

*plices ac participes, & qualemcumque operam
eisdem prabentes.*

Tridentina verò Synodus (h) latam in eos
excommunicationem extendit ad Imperatores, &
Reges, Duces, ac Principes, cæterosque Dominos
temporales, si locum ad Monomachiam in terris
suis concefferint; ac iurisdictione & dominio loci,
in quo Duellum fieri permiserint, quem ab Eccle-
siâ obtineant, eo ipso privatos declaravit. Com-
mittentes verò pugnam eorumque patrinos, excom-
municationis ac omnium bonorum proscriptionis,
nec non perpetua infamia pœnam incurrere sta-
tuit; & si in ipso conflictu decesserint, Eccle-
siasticâ sepulturâ perpetuò carituros decrevit.

Cum verò præfatis saluberrimis Legibus judi-
cialia dumtaxat, ac solemnia Duella comprehen-
sa, ac proscripta viderentur, pia memoria Præ-
decessor Noster Gregorius Papa XIII. (i) huius-
modi pœnas adversus eos omnes extendit, qui
nec non publicè, sed etiam privatim ex condic-
to, statuto tempore, & loco, Monomachiam commi-
serint, etiamsi nulli patrini sociivè ad id vocati
fuerint, nec loci securitas habita, nullavè provo-
catoria Littera, aut denuntiatiopis chartula præ-
cesserint.

Denique felicitis recordationis Clemens Papa
VIII. etiam Prædecessor Noster, Apostolicas Ro-
manorum ante se Pontificum Leges omnes, & pœ-
nas in eis statutas, suâ Constitutione, qua incipit
Illius vices datâ xvj. Kal. Septembris anno
MDXCII. disertè complexus, easdem extendit
ad omnes non solum Duello certantes, sed etiam
provocantes, suadentes, equos, arma, comitatus
prabentes, comitantes; Chartulas, Libellos,
Manifesta

(h) Sess. 25. cap. 19. de Reform.

(i) Constit. Ad Tollendum.